



Tuhaayauyukhaq

Qilamik nuititauyukhaq

Nutaaq Havagvikhaat Aanniaqtuliyiyit

Iqaluit, Nunavut (Taaqhivalirvia 11, 2013) – Munaqhiliyiyitkut atuqlirniaqtut nutaamik auladjutikhamingnik, ayurnaittaangani amigairyuumilugillu ikayuutitik aanniaqtut atuqpagait. Nutaaq Havagvikhaat Aanniaqtuliyiyit aulayariiliqtuq imaalu naunaiyailiqhutik qanuq ikayuqpangiangita aanniaqtut ihumaaluutait, apiqhuutaillu nakuuhariamingnik.

“Ayurnaiyarumayaqqut aanniaqtunut ilagiyainullu hiamittihimaittumik piyaanginni kiuyaayaangita ihumaaluutigiyait, ilauqhugillu atauhiuyukhanik auladjutikhait maliktauyukhat munaqhiuyunit aanniaqtuliyiqigiamingni,” uqaqtuq Keith Peterson, Ministauyuq Munaqhiliyiyitkunut.

Munaqhiliyiyitkut havaligtut pivagiamingnik nakuutqiyaniq munaqhidjutikhanik aanniaqtunik imaa ilihimayamingnik atuqhimayamingnik unniudjauyumablutik. Ayurnaittuq pingahuuyut auladjutikhat tuhaayaugianganita ihumaaluutauyut ikayuutauyukhat aanniaqtunik ihumaliragumik aanniaqtuliyiqidjutikkut nakuugiyauluatauhuiqpangmata munaqhidjuhiit.

Nutaaq Havagvikhaq Aanniaqtuliyiyit:

- Kangiqhidjutikhaqaqtitilutik ihumaaluutigiyayigut;
- Ikayurlugit aanniaqtut ilaillu auladjuhiagut aanniaqtuliyiyit ilitturiyaangita;
- Aanniaqtuq ihuaqtumut uqarvigiyakhaanut ilitturipkailutik;
- Ikayurlugit apiqhuutiqaqtut pilaarutaigut aanniaqtut, ihumaalutaigut munaqhidjuhiit ikayuutaigulluuniit;
- Uqaudjivaglutik ihuiguhuktunut aanniaqtut, ilagiyait, aanniarvingni havaktullu;
- Ihivriuqhivaglutik aanniaqtuq ihumaaluutainik qanuriliurniarmangaat qilamiglu; imaalu,
- Atuquidjutikhaniglu aanniaqtunik ikayuutikhainik nakuuhautikhainik ihumaaluutait kuidjutikhainik.

.../2

Tamaita kangiqhipkaidjutait talvunga Havagvikhaanut Aanniaqtuliyitkut kimiliqaak iligiyainilluuniit hiamititaulimaittut. Kangiqhidjutit maliktauyut aanniaqtut ilagiyaiillu ilitariyaugiangita ikaarnini 48-ni kiuyaulutik ihumaaluutigiyait. Qanuriliurutikhait naunaiqtauyut ihuaqhautikhaigut avikturviit atan'nguyaa aanniaqtuliyit tutqihaiyuuyurlu, uqarvigivaniaqtait aanniaqtut ilagiyaiillu.

Iluittuq puuyaq kangiqhiddjutikhaigut takuyautaaqtuq qariyauyakkut, Qikiqtani Aanniarvianni, tamainni munaqhiquarviini, aanniarviliat itiqtirviinni, nunalingni munaqhiliqiviini. Aanniaqtut ilagiyaiillu uqarvigittaaqtaat Havagvikhaq Aanniaqtuliyit akiittukkut 1-855-438-3003 uvuunaluuniit patientrelations@gov.nu.ca. Kangiqhidjutikhat hailiyut uvannga www.health.gov.nu.ca.

###

Tuhaapkaiyit uqaqatigilugit:

Ron Wassink
 Tuhaapkaiyi
 Munaqhiliqiyitkut
 867-975-5710
rwassink@gov.nu.ca